



Ruth Heilmann, Siumut
-/ Maani

Umiarsualivinni pissutsit pillugu § 37 tunngavigalugu apeqqummut akissut

208-11-2013
Sags nr. 2013-092349
Dok. Nr. 147320

Asasara Ruth Heilmann

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

Umiarsualivinni pissutsit pillugit apeqqutinnut qujanaq.

Soorlu ilisimaneqartutut imm. 18 suli Inatsisartuni suliarineqarpoq: " *Nuummi umiarsualivittaassap sanaartorneqarnissaanut ingerlanneqarnissaanillu siunertaqartumik aktiaateqarluni ingerlatsivimmik pilersitsisoqarnissaanik kingusinnerpaamillu UPA2014-imi ingerlatsiviup umiarsualiviullu pissutsinut nalimmassarneqarnissaa pillugit Naalakkersuisut 2013-imi suliakkerneqarnissaat pillugu Inatsisartut aalajangiiffigisassaattut siunnersuut*".

Taamaattumik siunnersuutip Inatsisartuni naammassineqarluni suliarineqarnissaanut akuerineqarnissaanullu illit tunngavigisatit aallaavigalugit apeqqutitit akissuteqarfigisavakka.

Apeqqutit tullerriaarneqarneri naapertorlugit akissuteqarfigisavakka.

1. Nuummi umiarsualivissaarsualiornissaq umiarsualivinnut sinerissamiittunut qanoq pitsanngoriaatsinik nassataqartussaava?

Sinerissami umiarsualiviit allat containerinik usit sukkanerusumik nassiussinnaavaat, tassa nalinginnaasumik sukkanerusumik assartuisoqarnerata malitsigisaanik umiarsuit akulikinnerusumik tikitalissammata. Containerinut inssiiffinni inissat sulinerlu pitsaanerusumik atorneqalissapput.

2013-mi assartuinerit ilusaat aallaavigalugu aamma 2017-mut kaaviaartitsilluni ingerlaartitsinissamat pilersaarutitut assartuinerimilu piffissanut atorneqartunut naleqqiussisumik Royal Arctic Line pisuusaartitsisimavoq. Malunnarpoq sinerissami illoqarfinnut amerlanernut nassiussat usit ullormik ataatsimik marlunnilluunniit nalinginnaasumik pitsaanerulersitsissasoq illoqarfinnullu ataasiakkaanut kujammut ingerlasunut assartuineq arriinnerulissalluni.

Nuna tamakkerlugu umiarsualivinnik aserfallatsaaliineq ullumikkut Aningaasanut inatsimmi konto 35.02.02-mi aningaasanik immikkoortinneqarsimasunik isumagineqarpoq. Konto taanna allilerinermit eqqorneqassanngilaq. Nuummi containerileriffiup allineqarnera taamaalilluni nunap ilaata sinnerani umiarsualiviit ullumikkut aserfallatsaaliornerninut aningaasat ikinnerusut immikkoortinneqartarnerinik kinguneqassanngilaq.


2. Nunaqarfinnut illoqarfinnullu pilersuinerup pitsaanerulernissaanik qanoq ittunik kinguneqassava?

Qulaani taaneqartoq assartuinerimi piffissap atorneqartup nalinginnaasumik sukkanerulernerata saniatigut assartuinerimi akigititani ineriartornissatut naatsorsuutigisaq aamma nunami innuttaasunut tamanut iluaqutaassaaq.

Takussutissiap ataniittup usinik akigititat maannakkutut isikkoqartillugit, umiarsualivik allinagu, ineriartornissatut ilimagisaq aamma periarfissat marluk, umiarsualivik nutaaq kiisalu akileraarutit imaluunniit nunatta karsianik tapiissuteqarnikkut aningaasalersorneqartup akornanni assersuussisoqarpoq. Soorlu takussutissiamit takuneqarsinnaasoq kingusinnerpaamik 2020-mi akigititani ineriartornissatut ilimagisamut naleqqiullugu assartuinerimi akigititat appasinnerulissapput, containeriliffik allineqanggippat.

Nunaqarfinni usitigut kiffartuussineq cantaineriliffiup allineqarneranik attorneqassanngilaq, tassa kiffartuussineq 2011-mi kiffartuussinissamut isumaqatigiissutikkut aalajangersarneqarmat, taanna 2030 ilanngulugu atuuttussaalluni.

Takussutissiaq: Usinut avannamukartunut assartuinerimi akit ukiumut 1,5 pct.-imik qaffappata



Paasissutissarsiffik: Inulaqatigiit aningaasarsiorneranni kingunissanik nalilersuineq – Nuup umiarsualiviata allineqarnera, maj 2013

3. Illoqarfinni nunaqarfinnilu umiarsualiviit pitsanngorsarneqarnissaminnik kinguussaasut qanoq ittunik pilersaaruteqarfigineqarpat?

Nunami umiarsualiviit tamaasa pillugit immikkoortumi pilersaarusiortutik Naalakkersuisut ingerlataqarput. Tassani pisariaqartitsinerimi anginerpaajusumi umiarsualivinni aningaasalersuinernik pingaarnersuineq saqqummiunneqassaaq, tassunga ilanngullugu ilaatigut umiarsualivinnik nutarterinissamut allilerinissamullu periarfissat, kisianni aamma umiarsualivinnik atorneqarsinnaajunnaartunik isatertariaqartunik isaterinissamut periarfissat. Immikkoortumut pilersaarut 2014-mi ukiup affaata siulliup ingerlanerani suliarineqassasoq naatsorsuutigineqarpoq, taamaalilluni aningaasanut inatsimmi pingaarnersuineri tamarmiusuni ilaatinneqarsinnaalluni.

4. Innarluutillit pitsorluttullu eqqarsaatigalugit talittarfiit niuffiguminarsarnissaat aamma pisarialerujussuuvoq, illoqarfinni minnerunngitsumillu aamma nunaqarfigpassuarni tamanna ajornartorsiutaammat. Tamakkua Naalakkersuisut qanoq pitsaanerulersinniarpaat?

Umiarsualivinnik atorneqarunnaartunik nutarterinissaq isaterisinnaanerlu assigalugu immikkoortotami pilersaarut aamma kikkut tamarmik pisariaqartitaannut umiarsualiviit pitsaanerulersinnissaat misissorneqassapput. Peqatigisaanik ilaatigut ilaasunik assartuineq aamma takornariaqarnermik inuussutissarsiorneq kikkut tamarmik pisariaqartitaannut pitsaanerulersinnissaannut ilanngunneqassapput.

Pitsorluttut innarluutillillu pillugit ernumassuteqarnerit eqqarsaatigalugu ilisimatitsissutigisinnaavara innarluutillit pillugit inatsisip nutarterqarnissaanik Naalackersuisut pilersaaruteqarmata. Tassani ilaassapput meeqqat inuusuttullu kiisalu utoqqaat atugaat pissusissamisoortumik innarluutillit atugaasa qulaajaaffigineranut ilanngunneqassammata. Naalackersuisooqatigiinnermi isumaqatigiisummi aamma immikkut taaneqarpoq inuit allat assigalugit innarluutillit nunami maani innuttaasusut aamma assigiimmik pisinnaatitaaffeqartut.

Naalackersuisunit aamma qulakkeerniarneqarpoq innarluutillit pisinnaatitaaffii Naalagaaffiit Peqatigiit innarluutillit pillugit isumaqatigiisutaannik naammassinnissasut tassunga ilanngullugu tikinneqarsinnaassuseq, tak. Immikkoortortaq (artikel) 9. Immikkoortortaq 9-mi tikinneqarsinnaassuseq sammineqarpoq. Inuit innarluutillit nammineerlutik inuuneqarnissaat tamakkiisumillu inuunermi atukkani tamani peqataanissaat siunertaralugu naalagaaffiit peqataasut inuit innarluutillit allat assigalugit illunut avatangiisiniittunut assartuinermilu periarfissanut isersinnaanerisa qulakkeerneqarnissaannut naleqquttumik aaqqiissuteqassapput.

Inussiarnersumik inuulluaqqusillunga



Steen Lyngø